

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИ
ХУЗУРИДАГИ ДАВЛАТ ТЕСТ МАРКАЗИ
ЎЗБЕКИСТОН РЕСПУБЛИКАСИ ХАЛҚ ТАЪЛИМИ ВАЗИРЛИГИ
ЎЗБЕКИСТОН РЕСПУБЛИКАСИ ОЛИЙ ВА ЎРТА МАХСУС ТАЪЛИМ
ВАЗИРЛИГИ ЎРТА МАХСУС, КАСБ-ҲУНАР ТАЪЛИМИ
МАРКАЗИНИНГ
ҚАРОРИ

347 «Умумий ўрта таълим мактаблари 11-синфлари, академик лицейлар ва касб-ҳунар коллежлари битирувчиларининг умумтаълим фанлари бўйича таълим тайёргарлиги даражаси ва сифати мониторингини ўтказиш бўйича йўриқномани тасдиқлаш тўғрисида»ги қарорга ўзгартиришлар киритиш ҳақида

*Ўзбекистон Республикаси Адлия вазирлиги томонидан 2015 йил
30 июнда рўйхатдан ўтказилди, рўйхат рақами 1804-1*

Ўзбекистон Республикаси Президентининг 2009 йил 13 июлдаги ПҚ–1157-сонли «Олис аҳоли пунктларидаги умум таълим мактаблари 9-синф

Ўзбекистон Республикаси қонун ҳужжатлари тўплами, 2015 й.

битирувчилари ўқишини давом эттиришини таъминлаш чора-тадбирлари тўғрисида»ги қарори ҳамда Вазирлар Маҳкамасининг 2004 йил 24 июндаги 293-сонли «Ўзбекистон Республикаси Вазирлар Маҳкамаси ҳузуридаги Давлат тест маркази фаолиятини такомиллаштириш тўғрисида»ги қарорига мувофиқ, Ўзбекистон Республикаси Вазирлар Маҳкамаси ҳузуридаги Давлат тест маркази, Халқ таълими вазирлиги ҳамда Олий ва ўрта махсус таълим вазирлигининг Ўрта махсус, касб-хунар таълими маркази **қарор қилди:**

1. Ўзбекистон Республикаси Вазирлар Маҳкамаси ҳузуридаги Давлат тест маркази, Халқ таълими вазирлиги ҳамда Олий ва ўрта махсус таълим вазирлигининг Ўрта махсус, касб-хунар таълими марказининг 2008 йил 22 апрелдаги 01-128/ҚҚ, 16 ва 14/ҚҚ-сонли «Умумий ўрта таълим мактаблари 11-синфлари, академик лицейлар ва касб-хунар коллежлари битирувчиларининг умумтаълим фанлари бўйича таълим тайёргарлиги даражаси ва сифати мониторингини ўтказиш бўйича йўриқномани тасдиқлаш тўғрисида»ги қарорига (рўйхат рақами 1804, 2008 йил 5 май) (Ўзбекистон Республикаси қонун ҳужжатлари тўплами, 2008 й., 19-сон, 167-модда) иловага мувофиқ ўзгартиришлар киритилсин.

2. Мазкур қарор расмий эълон қилинган кундан эътиборан кучга киради.

**Вазирлар Маҳкамаси ҳузуридаги
Давлат тест маркази директори**

Ж. ИСМАИЛОВ

Тошкент ш.,
2015 йил 24 июнь,
36/ҚҚ-сон

Халқ таълими вазири

У. ИНОЯТОВ

Тошкент ш.,
2015 йил 24 июнь,
17-мх-сон

**Олий ва ўрта махсус таълим
вазирлигининг Ўрта махсус,
касб-хунар таълими
маркази директори**

У. САЛИМОВ

Тошкент ш.,
2015 йил 24 июнь,
29-ҚҚ-сон

Ўзбекистон Республикаси
Вазирлар Маҳкамаси ҳузуридаги Давлат тест
маркази, Халқ таълими вазирлиги, Олий ва
ўрта махсус таълим вазирлиги Ўрта махсус,
касб-ҳунар таълими марказининг 2015 йил
24 июндаги 36/ҚҚ, 17-мх ва 29-ҚҚ-сон
қарорига
ИЛОВА

**«Умумий ўрта таълим мактаблари 11-синфлари, академик
лицейлар ва касб-ҳунар коллежлари битирувчиларининг
умумтаълим фанлари бўйича таълим тайёргарлиги даражаси ва
сифати мониторингини ўтказиш бўйича йўриқномани тасдиқлаш
тўғрисида»ги қарорга киритилаётган ўзгартиришлар**

1. Қарорда:

а) номи қуйидаги таҳрирда баён этилсин:

**«Академик лицейлар ва касб-ҳунар коллежлари
битирувчиларининг умумтаълим фанлари бўйича таълим
тайёргарлиги даражаси ва сифати мониторингини ўтказиш
тартиби тўғрисидаги йўриқномани тасдиқлаш ҳақида»;**

б) 1-банд қуйидаги таҳрирда баён этилсин:

«1. Академик лицейлар ва касб-ҳунар коллежлари битирувчиларининг умумтаълим фанлари бўйича таълим тайёргарлиги даражаси ва сифати мониторингини ўтказиш тартиби тўғрисидаги йўриқнома иловага мувофиқ тасдиқлансин.»;

2. Йўриқномада:

а) номи қуйидаги таҳрирда баён этилсин:

«Академик лицейлар ва касб-ҳунар коллежлари битирувчиларининг умумтаълим фанлари бўйича таълим тайёргарлиги даражаси ва сифати мониторингини ўтказиш тартиби тўғрисидаги йўриқнома»;

б) муқаддима қуйидаги таҳрирда баён этилсин:

«Мазкур Йўриқнома Ўзбекистон Республикасининг «Таълим тўғрисида»-ги, «Кадрлар тайёрлаш миллий дастури тўғрисида»ги қонунлари, Ўзбекистон Республикаси Вазирлар Маҳкамасининг 2003 йил 29 октябрдаги 473-сон «Умумий ўрта ва ўрта махсус, касб-ҳунар таълимига изчил ўтишни таъминлашга доир қўшимча чора-тадбирлар тўғрисида»ги ҳамда 2004 йил 24 июндаги 293-сон «Ўзбекистон Республикаси Вазирлар Маҳкамаси ҳузуридаги Давлат тест маркази фаолиятини такомиллаштириш тўғрисида»ги қарорларига мувофиқ, академик лицей ва касб-ҳунар коллежлари битирувчиларининг (бундан буён матнда битирувчилар деб юритилади) умумтаълим фанлари бўйича таълим тайёргарлиги даражаси ва сифати мониторингини ўтка-

зиш (бундан буён матнда мониторинг деб юритилади) тартибини белгилайди.»;

в) 1-банд қуйидаги таҳрирда баён этилсин:

«1. Мониторинг ҳар йили Ўзбекистон Республикаси Вазирлар Маҳкамаси ҳузуридаги Давлат тест маркази (бундан буён матнда ДТМ деб юритилади) томонидан Ўрта махсус, касб-хунар таълими маркази билан биргаликда ташкил этилади ҳамда ўтказилади. Мониторинг ўтказиш муддати тўғрисида ўрта махсус, касб-хунар таълими ҳудудий бошқармалари олдиндан огоҳлантирилади.»;

г) 3-банд қуйидаги таҳрирда баён этилсин:

«3. Мониторинг ўтказишнинг асосий мақсади ўрта махсус, касб-хунар таълими муассасаларида кадрлар тайёрлаш сифатини мунтазам кузатиб бориш орқали битирувчиларнинг умумтаълим фанлари бўйича таълим тайёргарлиги даражаси ва сифатига оид холис маълумотлар тўплаш, уларни таҳлил қилиш ҳамда улар асосида хулосалар тайёрлаб, кадрлар тайёрлаш сифатини ошириш ва таълим муассасаларининг фаолиятини такомиллаштириш ва ривожлантириш бўйича қарорлар қабул қилиши учун Ўрта махсус, касб-хунар таълими марказини ахборот билан таъминлаш.»;

д) 4 ва 5-бандлардан «умумий ўрта,» деган сўзлар чиқариб ташлансин;

е) 6-банддаги «ҳар ўқув йилининг тугаши арафасида 15 апрелдан 25 майгача бўлган муддатда умумий ўрта,» деган сўзлар «ҳар йили май-июнь ойларида» деган сўзлар билан алмаштирилсин;

ж) 7-банддан «халқ таълими ҳамда» деган сўзлар чиқариб ташлансин;

з) 8-банддан «ва халқ таълими» деган сўзлар чиқариб ташлансин;

и) 9, 10 ва 11-бандлар қуйидаги таҳрирда баён этилсин:

«9. Мониторинг ўтказиш учун академик лицей ва касб-хунар коллежларини танлаб олиш усулига ёндошилиб, бунда таълим муассасаларининг ҳудудий жойлашуви, таълим тили ва тайёрлов йўналишлари хусусиятлари эътиборга олинади.

10. Мониторинг ўтказиш учун ўрта махсус, касб-хунар таълими муассасалари (Қорақалпоғистон Республикаси, вилоятлар ва Тошкент шаҳри маркази, туманлари кесимида) ихтиёрий (академик лицейлардан 1 та, касб-хунар коллежларидан йўналишлар бўйича 7 та) танланади ва мониторинг натижалари таҳлили асосида битирувчиларнинг таълим тайёргарлиги даражаси ва сифати ҳақида хулоса чиқарилади.

11. Мониторинг ўтказиладиган туманлар ва таълим муассасалари тегишли ўрта махсус, касб-хунар таълими ҳудудий бошқармаларида қуръа ташлаш йўли билан танлаб олинади.»;

к) 12-бандда:

тўртинчи хатбошидан «мактаблардан 4 таси (2 та ўзбек, 1 та рус ва 1 та фанларни чуқурлаштириб ўқитадиган мактаблар),» деган сўзлар чиқариб ташлансин;

бешинчи хатбошидан «3 тадан мактаб (1 та туман маркази, 2 та қишлоқ мактаблари) ва» деган сўзлар чиқариб ташлансин;

л) 14-банддан «(мактабларда ўқувчиларнинг 3-чорак якунлари бўйича баҳолари)» деган сўзлар чиқариб ташлансин;

м) 15-банд қуйидаги таҳрирда баён этилсин:

«15. Мониторинг гуруҳи томонидан таълим муассасасида ўзлаштириш кўрсаткичи ўртача бўлган 1 та битирувчи гуруҳ танланади.»;

н) 16-банддан «, Халқ таълими вазирлиги ёки» ҳамда «халқ таълими бошқармаси,» деган сўзлар чиқариб ташлансин;

о) 19-банд қуйидаги таҳрирда баён этилсин:

«19. Танланган гуруҳ битирувчиларидан ўқув режадаги умумтаълим фанларининг учтасидан Давлат тест маркази Ўрта махсус, касб-хунар таълими маркази билан келишган ҳолда назорат иши (тест ёки ёзма иш) ўтказилади.»;

п) 20-бандда:

олтинчи хатбошидан «умумий ўрта ва» деган сўзлар чиқариб ташлансин;

ўнинчи хатбошидаги «соат 10.00 да битирувчилар учун тест синовлари бошланади» деган сўзлар «тест синовлари соат 9.00 да (2-сменада соат 14.00 да) бошланади» деган сўзлар билан алмаштирилсин;

ўн биринчи хатбошидаги «барча фанлар бўйича тест синовларини бажариш учун ўқувчиларга икки астрономик соат берилади» деган сўзлар «математика, физика, биология, кимё, информатика ва география фанларининг 1 та саволига 3 минут, қолган фанлардан 1 та саволга 2 минут вақт берилади» деган сўзлар билан алмаштирилсин;

р) 22-банддан «ва назорат ишлари тугамагунча аудиториядан ҳеч ким чиқарилмайди» деган сўзлар чиқариб ташлансин.

с) 27-банддан «умумий ўрта ва» деган сўзлар чиқариб ташлансин.